



სსიპ შოთა რუსთაველის საქართველოს ეროვნული სამეცნიერო ფონდის  
გენერალური დირექტორის

ბრძანება № 34

2020 წლის 10 ივლისი

ქ. თბილისი

„2020 წლის საერთაშორისო სასწავლო ოლიმპიადებისათვის საქართველოს ნაკრები გუნდების წევრების შერჩევის, მომზადებისა და საერთაშორისო ოლიმპიადებში მათი მონაწილეობის ადმინისტრირების უზრუნველყოფის ღონისძიებების შესახებ“

სსიპ - შოთა რუსთაველის საქართველოს ეროვნული სამეცნიერო ფონდის  
გენერალური დირექტორის 2020 წლის 28 თებერვლის N13 ბრძანებაში ცვლილების  
შეტანის შესახებ

საქართველოს ზოგადი ადმინისტრაციული კოდექსის 63-ე მუხლის, „საჯარო სამართლის იურიდიული პირის – შოთა რუსთაველის საქართველოს ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის №62/ნ ბრძანებით დამტკიცებული წესდების მე-5 მუხლის მე-2 პუნქტის „ე“ და „ფ“ ქვეპუნქტებისა და „წარმატებულ მოსწავლეთა წახალისების პროგრამის“ დამტკიცების შესახებ საქართველოს განათლების, მეცნიერების, კულტურისა და სპორტის მინისტრის 2020 წლის 06 იანვრის №08 ბრძანების დანართის ქვეპროგრამა 2 -ის (საერთაშორისო სასწავლო ოლიმპიადების ქვეპროგრამა) საფუძველზე,

**ვბრძანებ:**


1. შევიდეს ცვლილება „2020 წლის საერთაშორისო სასწავლო ოლიმპიადებისათვის საქართველოს ნაკრები გუნდების წევრების შერჩევის, მომზადებისა და საერთაშორისო ოლიმპიადებში მათი მონაწილეობის ადმინისტრირების უზრუნველყოფის ღონისძიებების შესახებ“ სსიპ - საქართველოს ეროვნული სამეცნიერო ფონდის გენერალური დირექტორის 2020 წლის 28 თებერვლის N13 ბრძანებაში და ბრძანების პირველი პუნქტით დამტკიცებული დანართი ჩამოყალიბდეს ამ ბრძანების დანართი №1 -ის შესაბამისად;

2. დაევალოს ფონდის საზოგადოებასთან ურთიერთობის სამსახურს ამ ბრძანების ფონდის ვებგვერდზე განთავსება;

3. ბრძანება ძალაშია გამოქვეყნებისთანავე;

4. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის: დავით აღმაშენებლის ხეივანი მე-12 კმ. №6).

ზვიად გაბისონია

A handwritten signature in blue ink, consisting of a stylized initial 'Z' followed by a surname, written over a horizontal line.

**2020 წლის საერთაშორისო სასწავლო ოლიმპიადებისათვის საქართველოს ნაკრები გუნდების წევრების შერჩევის, მომზადებისა და საერთაშორისო ოლიმპიადებში მონაწილეობის ადმინისტრირების პროცედურები და პირობები**

**მუხლი 1. ტერმინთა განმარტება**

ამ დანართში გამოყენებულ ტერმინებს ამ დანართის მიზნებისათვის აქვს შემდეგი მნიშვნელობა:

1. ეროვნული სასწავლო ოლიმპიადა – საჯარო სამართლის იურიდიული პირის – შეფასებისა და გამოცდების ეროვნული ცენტრის (შემდგომში – ცენტრი) დირექტორის ინდივიდუალური ადმინისტრაციულ-სამართლებრივი აქტით განსაზღვრული კონკრეტული კლასის/კლასების თითოეულ საგანში ჩატარებული ეროვნული სასწავლო ოლიმპიადა;
2. საერთაშორისო სასწავლო ოლიმპიადა – საქართველოს განათლების, მეცნიერების, კულტურისა და სპორტის სამინისტროს (შემდგომში - სამინისტრო) მიერ პრიორიტეტულად აღიარებული საერთაშორისო შეჯიბრი (ჩემპიონატი) კონკრეტულ საგანში/საგნებში სასკოლო ასაკის მოსწავლეებს შორის, რომელშიც ქვეყნები წარმოდგენილია ნაკრები გუნდების სახით. საქართველოს ნაკრები გუნდების წევრები შეირჩევიან ეროვნული სასწავლო ოლიმპიადის საფუძველზე. საერთაშორისო სასწავლო ოლიმპიადის ასევე საერთაშორისო შეჯიბრი (ჩემპიონატი) კონკრეტულ საგანში/საგნებში სასკოლო ასაკის მოსწავლეებს შორის, რომელშიც მონაწილეობს არანაკლებ 20 ქვეყნის ნაკრები გუნდი, რომლის წევრებიც შეირჩევიან კონკურსის საფუძველზე;
3. დელეგაცია – კონკრეტულ საერთაშორისო სასწავლო ოლიმპიადაზე საქართველოს წარმომადგენლობა, რომელშიც შედიან ნაკრები გუნდის წევრი - მოსწავლეები და ნაკრები გუნდის მწვრთნელები/პედაგოგები. დელეგაციების შემადგენლობა მტკიცდება სსიპ - შოთა რუსთაველის საქართველოს ეროვნული სამეცნიერო ფონდის (შემდგომში - ფონდი) ინდივიდუალური ადმინისტრაციულ-სამართლებრივი აქტით.
4. ნაკრები გუნდის წევრობის კანდიდატი – „ეროვნული სასწავლო ოლიმპიადის ჩატარების წესის დამტკიცების შესახებ“ საქართველოს განათლებისა და მეცნიერების მინისტრის 2010 წლის 26 ოქტომბრის №111/ნ ბრძანების პირველი პუნქტით დამტკიცებული წესის მე-5 მუხლის მე-6 პუნქტისა და ამ დანართის მე-3 მუხლის მე-2 პუნქტის თანახმად შერჩეული მოსწავლეები, რომლებიც საერთაშორისო სასწავლო ოლიმპიადისათვის საქართველოს ნაკრები გუნდების შესარჩევ ტურებში მიიღებენ მონაწილეობას;
5. ნაკრები გუნდის წევრი – ნაკრები გუნდის წევრობის კანდიდატებისაგან შესარჩევი ტურების შედეგად ამ დანართის შესაბამისად გამოვლენილი მოსწავლე, რომელიც მონაწილეობას მიიღებს საერთაშორისო სასწავლო ოლიმპიადაში.
6. ნაკრები გუნდის რეზერვისტი (შემდგომში – რეზერვისტი) – პირი, რომელიც ნაკრები გუნდის წევრის ავადმყოფობის ან სხვა გაუთვალისწინებელ შემთხვევაში მწვრთნელთა დასაბუთებული გადაწყვეტილებით ჩაანაცვლებს ნაკრები გუნდის შესაბამის წევრს.
7. ლიდერი – ფონდის მიერ „საერთაშორისო სასწავლო ოლიმპიადების ქვეპროგრამის“ ფარგლებში დასაქმებული მთავარი მწვრთნელი, რომელიც ხელმძღვანელობს ნაკრები გუნდის წევრების/რეზერვისტების მომზადებას და ნაკრები გუნდის მონაწილეობას საერთაშორისო სასწავლო ოლიმპიადაში.
8. თანალიდერი – ფონდის მიერ „საერთაშორისო სასწავლო ოლიმპიადების ქვეპროგრამის“

ფარგლებში დასაქმებული მწვრთნელი, რომელიც ლიდერთან ერთად წარმართავს საერთაშორისო სასწავლო ოლიმპიადისათვის ნაკრები გუნდის წევრების/რეზერვისტების მომზადებას და ნაკრები გუნდის საერთაშორისო სასწავლო ოლიმპიადაში მონაწილეობის პროცესს.

9. ასისტენტი – ფონდის მიერ „საერთაშორისო სასწავლო ოლიმპიადების ქვეპროგრამის“ ფარგლებში დასაქმებული პირი, რომელიც ეხმარება ლიდერსა და თანალიდერს ნაკრები გუნდის წევრების/რეზერვისტების საერთაშორისო სასწავლო ოლიმპიადისათვის მომზადებასა და ნაკრები გუნდის საერთაშორისო სასწავლო ოლიმპიადაში მონაწილეობის პროცესში.

10. მწვრთნელთა გუნდი - ამ მუხლის მე-7, მე-8 და მე-9 პუნქტებით განსაზღვრული პირები (შემდგომში - მწვრთნელები), რომლებიც ამზადებენ ნაკრები გუნდის წევრებს/რეზერვისტებს და პასუხისმგებელნი არიან საქართველოს ფარგლებს გარეთ დელეგაციის წინაშე წამოჭრილი ყველა პრობლემის მოგვარებაზე მათი კომპეტენციის ფარგლებში.

11. დამხმარე პედაგოგი - ფონდის მიერ „საერთაშორისო სასწავლო ოლიმპიადების ქვეპროგრამის“ ფარგლებში დასაქმებული პირი, რომელიც ეხმარება ლიდერსა და თანალიდერს ნაკრები გუნდის წევრების/რეზერვისტების საერთაშორისო სასწავლო ოლიმპიადისათვის მომზადების და საჭიროების შემთხვევაში ოლიმპიადაში მონაწილეობის პროცესში.

12. კოორდინატორი - ფონდის მიერ „საერთაშორისო სასწავლო ოლიმპიადების ქვეპროგრამის“ ფარგლებში განსაზღვრული პირი, რომელიც უზრუნველყოფს 2020 წლის საერთაშორისო ოლიმპიადებისათვის საქართველოს ნაკრები გუნდების წევრების შერჩევას, მომზადებისა და საერთაშორისო ოლიმპიადებში მონაწილეობასთან დაკავშირებული საქმიანობების განხორციელების ადმინისტრირებას.

13. დამხმარე კოორდინატორი - ფონდის მიერ „საერთაშორისო სასწავლო ოლიმპიადების ქვეპროგრამის“ ფარგლებში განსაზღვრული პირი, რომელიც უზრუნველყოფს 2020 წლის საერთაშორისო ოლიმპიადებისათვის საქართველოს ნაკრები გუნდების წევრების შერჩევას, მომზადებისა და საერთაშორისო ოლიმპიადებში მონაწილეობასთან დაკავშირებულ საქმიანობების განხორციელებას.

14. სააპლიკაციო განაცხადი - ნაკრები გუნდების წევრობის კანდიდატების მიერ შესარჩევი ტურების წინ შესავსები სააპლიკაციო ფორმა, დამტკიცებული ამ ბრძანების №2 დანართის შესაბამისად.

15. საპრეტენზიო კომისია - შესარჩევი ტურებში მიღებულ შეფასებებთან და პროცედურულ დარღვევებთან დაკავშირებით ნაკრები გუნდის წევრობის კანდიდატთა საპრეტენზიო განაცხადების განხილვის მიზნით საგნების მიხედვით შექმნილი დროებითი კომისიები. საპრეტენზიო კომისიების შემადგენლობა და საპრეტენზიო განაცხადის ფორმა მტკიცდება ფონდის გენერალური დირექტორის ბრძანებით.

16. საპრეტენზიო განაცხადი - განაცხადი, რომელსაც ავსებს ნაკრები გუნდის წევრობის კანდიდატი შესარჩევი ტურებზე მიღებული შეფასების ან შესარჩევი ტურის პროცედურული დარღვევის გასაჩივრებისას.

17. საბოლოო რეიტინგული სია - შესარჩევი ტურებისა და საპრეტენზიო განაცხადების განხილვის შედეგების გათვალისწინებით, ფონდის გენერალური დირექტორის ინდივიდუალური ადმინისტრაციულ-სამართლებრივი აქტით დამტკიცებული ნაკრები გუნდის წევრებისა და რეზერვისტების სია, რომელიც შედგენილია შესარჩევი ტურებში მოპოვებული ქულების კლებადობის მიხედვით.

## **მუხლი 2. საერთაშორისო სასწავლო ოლიმპიადები, რომლებშიც მონაწილეობს საქართველო**

საქართველო 2020 წლის საერთაშორისო სასწავლო ოლიმპიადებზე დელეგაციებს, მსოფლიო პანდემიის გამო შეცვლილი დღის წესრიგის შესაბამისად, წარადგენს შემდეგ ოთხ დისციპლინაში:

- ა) მათემატიკაში საქართველოს ნაკრები გუნდი წარდგება მათემატიკის 61-ე საერთაშორისო ოლიმპიადაზე IMO 2020 (ონლაინ რეჟიმში, 21-22 სექტემბერს)
- ბ) ინფორმატიკაში საქართველოს ნაკრები გუნდი წარდგება ინფორმატიკის 32-ე საერთაშორისო ოლიმპიადაზე IOI 2020 (სინგაპური 13-9 სექტემბერი, დახურვა-დაჯილდოება-23 სექტემბერი)
- გ) ბიოლოგიაში საქართველოს ნაკრები გუნდი წარდგება ბიოლოგიის 31-ე საერთაშორისო ოლიმპიადაზე IBO 2020 (ნაგასაკი, იაპონია 7-13 აგვისტო);
- დ) ქიმიაში საქართველოს ნაკრები გუნდი ქიმიის 52-ე საერთაშორისო სასწავლო ოლიმპიადაში IChO 2020 (სტამბული, თურქეთი 23 - 29 ივლისი, მონაწილეობას მიიღებს დისტანციურად.).

## **მუხლი 3. საქართველოს ნაკრები გუნდების წევრობის კანდიდატები**

1. ფონდი მათემატიკის, ქიმიის, ბიოლოგიისა და ინფორმატიკის საერთაშორისო ოლიმპიადებისათვის საქართველოს ნაკრები გუნდების შესარჩევ ტურებში მონაწილეობისათვის იწვევს მოსწავლეებს - ნაკრები გუნდის წევრობის კანდიდატებს.
2. ახალი კორონავირუსის გამო, შექმნილი მდგომარეობიდან გამომდინარე, საერთაშორისო სასწავლო ოლიმპიადებზე საქართველოს ნაკრები გუნდის წევრობის კანდიდატები მათემატიკაში, ქიმიასა და ბიოლოგიაში შეირჩევიან 2019-2020 სასწავლო წლის ეროვნული სასწავლო ოლიმპიადის მესამე ტურზე დაშვებული მოსწავლეთა სიის საფუძველზე. აგრეთვე, ის მოსწავლეები, რომელთაც მონაწილეობა არ მიუღიათ ეროვნული სასწავლო ოლიმპიადის ტურში (პირველ ან მეორე ტურზე), თუმცა საქართველოს განათლებისა და მეცნიერების მინისტრის 2010 წლის 26 ოქტომბრის №111/ნ ბრძანებით დამტკიცებული „ეროვნული სასწავლო ოლიმპიადის ჩატარების წესის“ მე-11 მუხლის მე-4 და მე-5 პუნქტების თანახმად, უფლება აქვთ მიიღონ მონაწილეობა 2019-2020 სასწავლო წლის ეროვნული სასწავლო ოლიმპიადის მესამე ტურში. საქართველოს ნაკრები გუნდის წევრობის კანდიდატები ინფორმატიკაში შეირჩევიან სამინისტროს მიერ კანონმდებლობით დადგენილი წესით შერჩეული ორგანიზაციის მიერ ორგანიზებული ინფორმატიკის ოლიმპიადის შედეგების საფუძველზე. ნაკრები გუნდის წევრობის კანდიდატები გადიან შესარჩევ ტურებს. შესარჩევი ტურების შედეგებისა და საპრეტენზიო განაცხადების განხილვის შედეგების მიხედვით, საქართველოს ნაკრები გუნდების წევრებსა და სარეზერვო შემადგენლობას ამტკიცებს ფონდი.

## **მუხლი 4. საქართველოს ნაკრები გუნდების შესარჩევი ტურები**

- 1 ნაკრები გუნდის წევრობის კანდიდატები გადიან შესარჩევ ტურებს.
2. თითოეული ნაკრები გუნდის წევრებს, რეზერვისტებთან ერთად, საერთაშორისო ოლიმპიადისთვის ამზადებენ ნაკრები გუნდის მწვრთნელები (ლიდერი, თანალიდერი, ასისტენტი) და დამხმარე პედაგოგ(ებ)ი.
3. ნაკრები გუნდის წევრობის კანდიდატი ავსებს ამ ბრძანების №2 დანართით გათვალისწინებულ სააპლიკაციო განაცხადს და გამოხატავს თანხმობას შესარჩევ ტურში მონაწილეობაზე, ფონდის მიერ დამტკიცებული პირობების მიხედვით.

4. ფონდი უზრუნველყოფს <https://olympics.emis.ge> პორტალზე შესარჩევი ტურების მონაწილე მოსწავლეების რეგისტრაციას.

5. ნაკრები გუნდის წევრობის კანდიდატი უფლებამოსილია მონაწილეობა მიიღოს ერთზე მეტი საგნის ნაკრების შესარჩევ ტურში. ერთზე მეტი საგნის ნაკრები გუნდის წევრობის მოპოვების შემთხვევაში, თუ საერთაშორისო სასწავლო ოლიმპიადების ჩატარების თარიღები ემთხვევა ერთმანეთს, კანდიდატი ირჩევს მხოლოდ ერთი საგნის ნაკრები გუნდის წევრობას, ხოლო მის ნაცვლად შესაბამისი საგნის ნაკრები გუნდის წევრობას მოიპოვებს რეიტინგული სიის მომდევნო მოსწავლე.

6. საერთაშორისო სასწავლო ოლიმპიადებისათვის საქართველოს ნაკრები გუნდების შესარჩევ ტურებში დაგროვებული ქულების შესაბამისად ფონდი ადგენს მოსწავლეთა რეიტინგულ სიას, რომლის მიხედვით განისაზღვრება ნაკრები გუნდების წევრები და რეზერვისტი მოსწავლეები.

7. თითოეულ საგანში ნაკრები გუნდის წევრთა რაოდენობა განისაზღვრება შემდეგი სახით:

ა) მათემატიკის საერთაშორისო სასწავლო ოლიმპიადაში საქართველოს ნაკრები გუნდის წევრთა რაოდენობა შეადგენს 6 მოსწავლეს. რეიტინგული სიის მომდევნო 4 მოსწავლე განისაზღვრება, როგორც ნაკრები გუნდის რეზერვისტი;

ბ) ბიოლოგიის საერთაშორისო სასწავლო ოლიმპიადაში საქართველოს ნაკრები გუნდის წევრთა რაოდენობა შეადგენს 4 მოსწავლეს. რეიტინგული სიის მომდევნო 4 მოსწავლე განისაზღვრება, როგორც ნაკრები გუნდის რეზერვისტი;

გ) ქიმიის საერთაშორისო სასწავლო ოლიმპიადაში საქართველოს ნაკრები გუნდის წევრთა რაოდენობა შეადგენს 4 მოსწავლეს. რეიტინგული სიის მომდევნო 4 მოსწავლე განისაზღვრება, როგორც ნაკრები გუნდის რეზერვისტი;

დ) ინფორმატიკის საერთაშორისო სასწავლო ოლიმპიადაში საქართველოს ნაკრები გუნდის წევრთა რაოდენობა შეადგენს 4 მოსწავლეს. რეიტინგული სიის მომდევნო 4 მოსწავლე განისაზღვრება, როგორც ნაკრები გუნდის რეზერვისტი.

8. იმ შემთხვევაში, როდესაც ქიმიის, მათემატიკის, ინფორმატიკისა და ბიოლოგიის შესარჩევი ტურების შედეგად ორი ან მეტი კანდიდატი დააგროვებს ქულების თანაბარ რაოდენობას ისე, რომ ნაკრები გუნდის წევრების დადგენილი რაოდენობის შერჩევა ვერ ხერხდება, უპირატესობა ენიჭება უფროსკლასელს. თუ დაემთხვევა კლასი, ნაკრები გუნდის წევრი ან რეზერვისტი შეირჩევა 2020 წლის ეროვნული სასწავლო ოლიმპიადის მეორე ტურში მონაწილის მიერ მიღებული შედეგის მიხედვით. თუ ამ შემთხვევაშიც ვერ მოხერხდა შერჩევა, გათვალისწინებული იქნება 2020 წლის ეროვნული სასწავლო ოლიმპიადის პირველ ტურში მონაწილის მიერ მიღებული შედეგი. ინფორმატიკის ოლიმპიადის შესარჩევ ტურებში თანაბარი ქულების დაგროვების შემთხვევაში უპირატესობა მიენიჭება ამოცანების ამოხსნისთვის დახარჯული ჯამური დროის სიმცირეს.

9. ნაკრები გუნდის წევრები და რეზერვისტები სავალდებულო მომზადებას გადიან დისტანციურად, ახალი კორონავირუსის (COVID-19) გამო მსოფლიოში შექმნილი ვითარებიდან გამომდინარე.

10. ნაკრები გუნდების წევრების შესარჩევ ტურებში არ განისაზღვრება ასაკობრივი ჯგუფები. ყველა ასაკისა და კლასის მოსწავლე მონაწილეობს ერთად.

11. თითოეული საგნის თითოეულ შესარჩევ ტურში, ყველა ასაკისა და კლასის მოსწავლე მუშაობს კონკრეტული ტურისთვის დადგენილ ერთსა და იმავე ამოცანებზე, რომელთა შინაარსი და სირთულე ესადაგება შესაბამისი საგნის საერთაშორისო სასწავლო ოლიმპიადის მოთხოვნებს.

12. შესარჩევ წერით ტურებში მოსწავლეებს გადაეცემათ სპეციალური სამუშაო ფურცლები, რომელზეც მათ უნდა იმუშაონ. ფონდი უზრუნველყოფს მოსწავლეებისათვის გადასაცემი

სპეციალური ფურცლების კოდირებასა და მათ სათანადო რეგისტრაციას.

13. მოსწავლეები ფონდის წარმომადგენელს აბარებენ ნაშრომს. შესარჩევი ტურებიდან რაიმე სახის ფურცლების (მათ შორის ნაშრომის ასლი, ე.წ. სამუშაო ფურცლები და სხვა) გატანა დაუშვებელია.

14. დაგვიანებით გამოცხადებული მოსწავლე არ დაიშვება შესარჩევ ტურზე. შესარჩევ ტურზე მოსწავლის გამოუცხადებლობა ან დაგვიანებით გამოცხადება მოსწავლეს ართმევს უფლებას მოითხოვოს დამატებითი შესარჩევი ტურის ჩატარება, მიუხედავად იმისა გამოუცხადებლობა/დაგვიანება საპატიო მიზეზით იყო გამოწვეული თუ არა.

15. შესარჩევ ტურებზე არ დაიშვება/მოიხსნება მოსწავლე, რომელიც არ წარადგენს ამ დანართის მე-10 მუხლის მე-3 პუნქტით გათვალისწინებულ დოკუმენტებს, რაიმე ფორმით ხელს შეუშლის შესარჩევი ტურის ნორმალურად ჩატარებას, შეურაცხყოფას მიაყენებს შესარჩევ ტურში მონაწილე მოსწავლეებს ან სხვა დამსწრე პირებს ან/და დაარღვევს შესარჩევი ტურის ადმინისტრირებისათვის ამ დანართით დადგენილ წესებს.

16. საქართველოს ნაკრები გუნდების შესარჩევი ტურები ჩატარდება საქართველოს შრომის, ჯანმრთელობისა და სოციალური დაცვის სამინისტროსა და დაავადებათა კონტროლისა და საზოგადოებრივი ჯანმრთელობის ეროვნული ცენტრის მიერ გაცემული რეკომენდაციების შესაბამისად.

17. ნაშრომების გასწორების პროცესის დასრულებიდან არაუგვიანეს 2 დღისა უზრუნველყოფილი იქნება ტესტების/ამოცანების და ტესტის/ამოცანების პასუხების ფონდის ვებგვერდზე განთავსება.

#### **მუხლი 6. მათემატიკის ნაკრები გუნდის შესარჩევი ტური**

1. მათემატიკის საერთაშორისო სასწავლო ოლიმპიადაში მონაწილეობისათვის საქართველოს ნაკრები გუნდის წევრების შერჩევის პროცედურა ორი ტურისაგან შედგება. 2019- 2020 სასწავლო წლის ეროვნული სასწავლო ოლიმპიადის მესამე ტურზე დაშვებული ყველა მონაწილე - შესაბამისი ასაკის და კლასის/კლასების მოსწავლე ხდება საქართველოს ნაკრები გუნდის წევრობის კანდიდატი.

2. ყოველ ტურზე მათემატიკის ნაკრები გუნდის წევრობის კანდიდატებს მიეცემათ სამი ამოცანა (სულ 6 ამოცანა). თითოეული ამოცანა ფასდება შვიდეულიანი სისტემით.

3. თითოეულ შესარჩევ ტურში მონაწილეებს ამოცანების ამოსახსნელად მიეცემათ **4 ასტრონომიული საათი და 30 წუთი**. დროის გადაცილების შემდეგ ჩაბარებული ნაწერი არ გასწორდება და მონაწილეს დაეწერება შეფასება 0.

4. მათემატიკაში საბოლოო შედეგები დადგინდება ორივე ტურში მიღებული ქულათა საერთო ჯამის მიხედვით.

5. მათემატიკაში საქართველოს ნაკრები გუნდის წევრები იქნებიან ის მოსწავლეები, რომლებიც რეიტინგული სიის მიხედვით დაიკავებენ 1-დან მე-6 ადგილებს. რეიტინგულ სიაში მომდევნო ოთხი მოსწავლე გახდება მათემატიკაში საქართველოს ნაკრები გუნდის რეზერვისტი.

6. შესარჩევ ტურებში მონაწილე ნაკრები გუნდის წევრობის კანდიდატთა ნამუშევრებს ასწორებს მწვრთნელთა გუნდი.

#### **მუხლი 7. ბიოლოგიის ნაკრები გუნდის შესარჩევი ტური**

1. ბიოლოგიის საერთაშორისო სასწავლო ოლიმპიადაში მონაწილეობისათვის საქართველოს ნაკრები გუნდის წევრების შერჩევის პროცედურა ორი ტურისაგან. 2019- 2020 სასწავლო წლის ეროვნული სასწავლო ოლიმპიადის მესამე ტურზე დაშვებული ყველა მონაწილე - შესაბამისი ასაკის და

კლასის/კლასების მოსწავლე ხდება საქართველოს ნაკრები გუნდის წევრობის კანდიდატი.

2. პირველ ტურზე ბიოლოგიის ნაკრები გუნდის წევრობის კანდიდატებს მიეცემათ 30 ტესტი. თითოეული ტესტი ფასდება ერთი ქულით. მეორე ტურზე თითოეულ მონაწილეს მიეცემა 30 ტესტი, თითოეული ტესტი ასევე ფასდება ერთი ქულით.

3. როგორც პირველ, ისე მეორე შესარჩევ ტურში მონაწილეებს ამოცანების ამოსახსნელად მიეცემათ **2 ასტრონომიული საათი**. დროის გადაცილების შემდეგ ჩაბარებული ნაწერი არ გასწორდება და მონაწილეს დაეწერება შეფასება 0.

4. ბიოლოგიაში ნაკრები გუნდის საბოლოო შემადგენლობა დადგინდება პირველი და მეორე ტურებში მიღებული ქულათა საერთო ჯამის მიხედვით.

5. ბიოლოგიაში საქართველოს ნაკრები გუნდის წევრები იქნებიან ის მოსწავლეები, რომლებიც რეიტინგული სიის მიხედვით დაიკავებენ 1-დან მე-4 ადგილებს. რეიტინგულ სიაში მომდევნო ოთხი მოსწავლე გახდება ბიოლოგიაში საქართველოს ნაკრები გუნდის რეზერვისტი.

6. შესარჩევ ტურებში მონაწილე ნაკრები გუნდის წევრობის კანდიდატთა ნამუშევრებს ასწორებს მწვრთნელთა გუნდი.

#### **მუხლი 8. ქიმიის ნაკრები გუნდის შესარჩევი ტური**

1. ქიმიის საერთაშორისო სასწავლო ოლიმპიადაში მონაწილეობისათვის საქართველოს ნაკრები გუნდის წევრების შერჩევის პროცედურა ორი ტურისაგან შედგება. 2019- 2020 სასწავლო წლის ეროვნული სასწავლო ოლიმპიადის მესამე ტურზე დაშვებული ყველა მონაწილე - შესაბამისი ასაკის და კლასის/კლასების მოსწავლე ხდება საქართველოს ნაკრები გუნდის წევრობის კანდიდატი.

2. პირველ ტურზე ქიმიის ნაკრები გუნდის წევრობის კანდიდატებს მიეცემათ ხუთი ამოცანა, რომელთა ჯამური შეფასება შეადგენს 100 ქულას. მეორე ტურზე თითოეულ მონაწილეს მიეცემა ხუთი ამოცანა, რომელთა ჯამური შეფასება შეადგენს 100 ქულას.

3. როგორც პირველ, ისე მეორე შესარჩევ ტურში მონაწილეებს ამოცანების ამოსახსნელად მიეცემათ **5 ასტრონომიული საათი**. დროის გადაცილების შემდეგ ჩაბარებული ნაწერი არ გასწორდება და მონაწილეს დაეწერება შეფასება 0.

4. ქიმიაში ნაკრები გუნდის საბოლოო შემადგენლობა დადგინდება პირველი და მეორე ტურებში, მიღებული ქულათა საერთო ჯამის მიხედვით.

5. ქიმიაში საქართველოს ნაკრები გუნდის წევრები იქნებიან ის მოსწავლეები, რომლებიც რეიტინგული სიის მიხედვით დაიკავებენ 1-დან მე-4 ადგილებს. რეიტინგულ სიაში მომდევნო ოთხი მოსწავლე გახდება ქიმიაში საქართველოს ნაკრები გუნდის რეზერვისტი.

6. შესარჩევ ტურებში მონაწილე ნაკრები გუნდის წევრობის კანდიდატთა ნამუშევრებს ასწორებს მწვრთნელთა გუნდი.

#### **მუხლი 9. ინფორმატიკის ნაკრები გუნდის შესარჩევი ტური**

1. ინფორმატიკის საერთაშორისო სასწავლო ოლიმპიადაში მონაწილეობისათვის საქართველოს ნაკრები გუნდის წევრების შერჩევის პროცედურა ორი ტურისაგან შედგება. ნაკრების შესარჩევ ტურებში მონაწილეობის მიღება შეუძლიათ:

ა) მოსწავლეებს, რომლებმაც მე-11 და მე-12 კლასების ინფორმატიკის ოლიმპიადაში დაიკავეს 1-10 ადგილი და დააგროვეს მაქსიმალურ ქულათა არანაკლებ 1/3-ისა.

ბ) მოსწავლეებს, რომლებმაც მე-9 და მე-10 კლასების ინფორმატიკის ოლიმპიადაში დაიკავეს 1-10 ადგილი და დააგროვეს მაქსიმალურ ქულათა არანაკლებ 1/3-ისა.

გ) მოსწავლეებს, რომლებმაც მე-7 და მე-8 კლასების ინფორმატიკის ოლიმპიადაში დაიკავეს 1-10 ადგილი და დააგროვეს მაქსიმალურ ქულათა არანაკლებ 1/3-ისა.

2. გუნდის წევრობის კანდიდატებს უნდა მიეცეთ სამი ამოცანა, სულ 6 ამოცანა. რომელთა ამოხსნისათვის კანდიდატებმა უნდა შეადგინონ პროგრამა (ე. წ. კომპიუტერული კოდი).

3. თითოეულ შესარჩევ ტურში მონაწილეებს ამოცანების ამოსახსნელად უნდა მიეცეთ 5 ასტრონომიული საათი.

4. მოსწავლეთა შედგენილი პროგრამები უნდა შემოწმდეს წინასწარ მომზადებული ტესტებით (ავტომატიზებული მატესტირებელი პროგრამები), რომლებიც ამოწმებენ რამდენად სწორად შეადგინა კონკურსანტმა ამოცანის ამოსახსნელი კომპიუტერული კოდი (პროგრამა).

5. ინფორმატიკაში ნაკრები გუნდის საბოლოო შემადგენლობა დადგინდება პირველ და მე-2 ტურში მიღებული ქულათა საერთო ჯამის მიხედვით. ამ შემთხვევაში გათვალისწინებული უნდა იყოს საპრეტენზიო განაცხადების განხილვის შედეგად ქულებში მიღებული ცვლილებები.

6. ინფორმატიკაში საქართველოს ნაკრები გუნდის წევრები იქნებიან ის მოსწავლეები, რომლებიც რეიტინგული სიის მიხედვით დაიკავებენ პირველიდან მე-4 ადგილებს. შესარჩევ ტურებში თანაბარი ქულების მიღების შემთხვევაში უპირატესობა მიენიჭება ამოცანების ამოხსნისთვის დახარჯული ჯამური დროის სიმცირეს.

7. რეიტინგულ სიაში მომდევნო ოთხი მოსწავლე გახდება ინფორმატიკაში საქართველოს ნაკრები გუნდის რეზერვისტი. იმ შემთხვევაში, თუ რეზერვისტებს შორის არიან მე-12 კლასელები, წვრთნას მათ ნაცვლად გაივლიან რეზერვისტებს შორის არ მოხვედრილი რეიტინგული სიის მომდევნო უმცროს კლასელები.

8. შესარჩევ ტურებში მონაწილე ნაკრები გუნდების წევრობის კანდიდატთა ნამუშევრებს ასწორებს სპეციალური კომპიუტერული პროგრამა.

## **მუხლი 10. საქართველოს ნაკრები გუნდების შესარჩევი ტურების ორგანიზება**

1. შესარჩევი ტურები გაიმართება შემდეგი განრიგით:

### **ა) ბიოლოგია:**

ა.ა) პირველი ტური - 2020 წლის 21 ივლისი

ა.ბ) მეორე ტური - 2020 წლის 22 ივლისი

### **ბ) ქიმია**

ბ.ა) პირველი ტური - 2020 წლის 12 ივლისი

მეორე ტური - 2020 წლის 13 ივლისი

### **გ) მათემატიკა :**

გ.ა) პირველი ტური - 2020 წლის 27 ივლისი

გ.ბ) მეორე ტური - 2020 წლის 28 ივლისი

### **დ) ინფორმატიკა:**

დ.ა) პირველი ტური - 2020 წლის 3 აგვისტო

დ.ბ) მეორე ტური - 2020 წლის 4 აგვისტო

2. ყველა საგანში შესარჩევ ტურებზე მოსწავლეთა რეგისტრაცია დაიწყება 8:30 საათზე ტურების ჩატარების ადგილზე.
3. ყველა საგანში პირველ შესარჩევ ტურში თითოეულმა მონაწილემ რეგისტრაციის დღეს თან უნდა იქონიოს დაბადების მოწმობა ან პირადობის დამადასტურებელი სხვა დოკუმენტი (პირადობის მოწმობა, პასპორტი).
4. თითოეული მონაწილე ვალდებულია პირველი შესარჩევი ტურის დაწყების წინ შეავსოს ამ ბრძანების N2 დანართით დამტკიცებული სააპლიკაციო ფორმა, ამასთან ყოველი შესარჩევი ტურის წინ გაიაროს რეგისტრაცია, რაც გულისხმობს სპეციალურ ფორმაზე ხელის მოწერას ან დასწრების აღნიშვნას.
5. შესარჩევი ტურების დროს მონაწილეები უზრუნველყოფილნი იქნებიან წყლით და საკანცელარიო ინვენტარით.

#### **მუხლი 11. შესარჩევი ტურების მონაწილეთა უფლება-მოვალეობები**

1. შესარჩევი ტურის მსვლელობისას მონაწილეს ეკრძალება:
  - ა) მობილური ტელეფონის ან სხვა ელექტრონული საკომუნიკაციო აპარატურის ქონა;
  - ბ) დამხმარე მასალის – სახელმძღვანელოების, ჩანაწერების, ფურცლების (გარდა ფონდის მიერ გადაცემული სპეციალური სამუშაო ფურცლებისა) და სხვათა გამოყენება;
  - გ) გადალაპარაკება, დახმარების გაწევა ან მიღება რაიმე ფორმით, სხვა შესარჩევი ტურის მონაწილისათვის რაიმე ფორმით ხელის შეშლა;
  - დ) სამუშაო ადგილის უნებართვოდ დატოვება.
2. შესარჩევი ტურის მონაწილე (გარდა ინფორმატიკის შესარჩევი ტურის მონაწილისა) უფლებამოსილია ნახოს თავისი ნაშრომების ელექტრონული ვერსია ვებ გვერდზე <https://olympics.emis.ge>.
3. ამ მუხლის მე-2 პუნქტით გათვალისწინებული ნაშრომები სპეციალური კოდის გამოყენებით ხელმისაწვდომია მხოლოდ დაინტერესებული პირისათვის.

#### **მუხლი 12. საქართველოს ნაკრები გუნდების წევრების კანდიდატების მიერ შესარჩევი ტურების შედეგების გასაჩივრება**

1. შესარჩევ ტურებზე მოსწავლის მიერ მიღებული შეფასება ან შესარჩევი ტურის პროცედურული დარღვევა შეიძლება გასაჩივრდეს საპრეტენზიო კომისიაში ნაშრომების ელექტრონული ვერსიების გამოქვეყნებიდან ორი დღის განმავლობაში.
2. შესარჩევ ტურებზე მიღებული შეფასებისა და პროცედურული დარღვევების განხილვის მიზნით ფონდის გენერალური დირექტორის ინდივიდუალური ადმინისტრაციულ-სამართლებრივი აქტით იქმნება საპრეტენზიო კომისია და მტკიცდება საპრეტენზიო განაცხადის ფორმა.
3. საპრეტენზიო კომისია განიხილავს მხოლოდ ტექსტის/ამოცანის იმ დავალების შეფასების სისწორეს, რომელიც მითითებული იყო საპრეტენზიო განაცხადში. საპრეტენზიო კომისიას საპრეტენზიო განაცხადის შეტანიდან არაუმეტეს 5 დღის ვადაში გამოაქვს შესაბამისი გადაწყვეტილება ან დასკვნა. მათემატიკის, ინფორმატიკის, ბიოლოგიის და ქიმიის საპრეტენზიო განაცხადის განხილვისა და პირველი და მეორე შესარჩევი ტურების შედეგების გათვალისწინებით, დგინდება მოსწავლეთა საბოლოო რეიტინგული სია ნაკრები გუნდის წევრებისა და რეზერვისტების მითითებით და ქვეყნდება ფონდის ვებგვერდზე (საქართველოს კანონმდებლობით დადგენილი წესის შესაბამისად).
4. შესარჩევი ტურების შედეგებისა და საპრეტენზიო განაცხადების განხილვის შედეგების მიხედვით,

საქართველოს ნაკრები გუნდების წევრებსა და სარეზერვო შემადგენლობას ამტკიცებს ფონდის გენერალური დირექტორი ინდივიდუალური ადმინისტრაციულ-სამართლებრივი აქტით.

### **მუხლი 13. საქართველოს ნაკრები გუნდების მომზადება**

1. თითოეული ნაკრები გუნდის წევრებს საერთაშორისო სასწავლო ოლიმპიადისთვის ამზადებენ დისტანციურად ნაკრები გუნდის მწვრთნელები (ლიდერი, თანალიდერი, ასისტენტი) და დამხმარე პედაგოგ(ებ)ი.
2. საქართველოს ნაკრები გუნდების დაკომპლექტების შემდეგ თითოეული ნაკრები გუნდის წევრები რეზერვისტებთან ერთად, გაივლიან მოსამზადებელ ეტაპს.
3. იმ შემთხვევაში თუ მათემატიკის, ინფორმატიკის, ბიოლოგიისა და ქიმიის რეზერვისტებს შორის არიან მე-12 კლასელები, წვრთნას მათ ნაცვლად გაივლიან რეზერვისტებს შორის არ მოხვედრილი რეიტინგული სიის მომდევნო უმცროსკლასელები.
4. საქართველოს ნაკრები გუნდი, რეზერვისტებთან ერთად, მათემატიკაში მომზადების ეტაპს დაიწყებს ნაკრები გუნდების წევრების და სარეზერვო შემადგენლობის დამტკიცებისთანავე და დაასრულებს 2020 წლის 20 სექტემბერს.
5. საქართველოს ნაკრები გუნდის, რეზერვისტებთან ერთად, ინფორმატიკაში მომზადების ეტაპი ჩატარდება 2020 წლის 10 აგვისტოდან 8 სექტემბრის ჩათვლით.
6. საქართველოს ნაკრები გუნდი, რეზერვისტებთან ერთად, ბიოლოგიაში მოსამზადებელ ეტაპს დაიწყებს 2020 წლის 25 ივლისს და დაასრულებს 5 აგვისტოს.
7. საქართველოს ნაკრები გუნდი, რეზერვისტებთან ერთად, ქიმიაში მოსამზადებელ ეტაპს დაიწყებს საქართველოს ნაკრები გუნდების წევრებისა და სარეზერვო შემადგენლობის დამტკიცებისთანავე და დაასრულებს 2020 წლის 22 ივლისს.

### **მუხლი 14. ნაკრები გუნდების მონაწილეობა საერთაშორისო სასწავლო ოლიმპიადაზე**

1. საქართველოს დელეგაციის მეთაურად ითვლება ლიდერი, რომელიც თავისი კომპეტენციის ფარგლებში პასუხისმგებელია საქართველოს ფარგლებს გარეთ დელეგაციის წინაშე წამოჭრილი ყველა პრობლემის მოგვარებაზე.
2. ნაკრები გუნდის თითოეული წევრი იცავს გუნდურ დისციპლინას და ემორჩილება მწვრთნელების - ლიდერის, თანალიდერის, ასისტენტის მითითებებს.
3. ნაკრები გუნდის წევრის შეცვლა რეზერვისტით შესაძლებელია ნაკრები გუნდის წევრის ავადმყოფობის ან სხვა გაუთვალისწინებელი მიზეზის შემთხვევაში, მწვრთნელთა არგუმენტირებული გადაწყვეტილებით, საერთაშორისო სასწავლო ოლიმპიადაზე ნაკრები გუნდის წევრთა მონაცემების წარდგენამდე.
4. ლიდერი ავადმყოფობისას ან სხვა გაუთვალისწინებელ შემთხვევაში შეიძლება ჩაანაცვლოს თანალიდერმა, თანალიდერი - ასისტენტმა, ასისტენტი - დამხმარე პედაგოგმა.
5. საერთაშორისო სასწავლო ოლიმპიადაზე გამგზავრებამდე ნაკრები გუნდის თითოეულ წევრს მშობელთან/კანონიერ წარმომადგენელთან ერთად განემარტება საერთაშორისო სასწავლო ოლიმპიადაში მონაწილეობის წესები და დადგენილი სხვა პროცედურები.

### **მუხლი 15. საერთაშორისო სასწავლო ოლიმპიადებზე ნაკრები გუნდების მონაწილეობის ადმინისტრირების ბიუჯეტი**

1. საერთაშორისო ოლიმპიადებზე საქართველოს ნაკრები გუნდების მონაწილეობასთან დაკავშირებულ ხარჯებს „წარმატებულ მოსწავლეთა წახალისების პროგრამის დამტკიცების შესახებ“ საქართველოს განათლებისა და მეცნიერების, კულტურისა და სპორტის მინისტრის 2020 წლის 06

იანვრის №08 ბრძანების საერთაშორისო სასწავლო ოლიმპიადების ქვეპროგრამის ბიუჯეტის შესაბამისად ფარავს ფონდი სახელმწიფო ბიუჯეტიდან გამოყოფილი ასიგნებების ფარგლებში (პროგრამული კოდი: 32 02 04 02).

2. ფონდის მიერ დაიფარება შემდეგი ხარჯები:

ა) ხელფასების ხარჯები (ლიდერი, თანალიდერი, ასისტენტი, დამხმარე პედაგოგი)

ბ) საერთაშორისო სასწავლო ოლიმპიადებში მონაწილეობის საწევრო/რეგისტრაციის/ მონაწილეობის გადასახადი.

გ) შესარჩევი ტურების ხარჯები (საკანცელარიო და სამეურნეო საქონლის ხარჯი);

4. საერთაშორისო სასწავლო ოლიმპიადების საწევრო/რეგისტრაციის/მონაწილეობის გადასახადის უზუნველყოფა მოხდება ფონდის გენერალური დირექტორის ბრძანების შესაბამისად, რომელსაც საფუძვლად დაედება ლიდერების მიერ წარმოდგენილი წერილობითი მომართვა თანდართული ინვოისებით.

**შენიშვნა:** ახალი კორონავირუსის (COVID-19) გამო მსოფლიოში შექმნილი ვითარებიდან გამომდინარე საერთაშორისო სასწავლო ოლიმპიადები ჩატარდება დისტანციურ რეჟიმში.